

ZIRÀN-MUNTOGNA DA SCHONS

Giantar cuminevel

Las senioras ad igls seniors da Ziràn a da la Muntogna da Schons s'antopan pigl proxim giantar cuminevel igl vendergis, igls 25 da november an l'ustreia Posta Viglia a Ziràn. Las anzunzgas en da far antoc'igls 24 da november par telefon a 081 661 12 35. (cdm/fmr)

FARERA

Partizipaziùn a l'ovra electrica

Aua da Mulegn

Igl tarvaschegns digl vaschinadi da Farera digl 8 da november à de zidieu da sapartizipar da la realisaziùn da l'ovra electrica Aua da Mulegn. Igl project de vagnir realisò da la sozietad d'electricitad Alpiq. Igl vaschinadi vut sapartizipar cun 30-35 %. Igl vaschinadi da Farera safatschenda gea duple ca 10 ons cun que project.

La radunàza à mademameing prieu par bien igl credit agl rom da 3 miliùns par sanar l'infrastructura da Calantgil.

Igl tarvaschegns à alura de zidieu da spustar a ple tard la dumonda da dischmeter las contribuiziùns an favur da la premias da la cassa da malsans ad igl rabat an favur digl curaint electric.

Plenavànt à l'igl tarvaschegns prieu par bien igl statut d'organisaziùn da la tgea d'atempos Gienda d'Andeer. (fmr/bt)

TUSÀN

Luca Maurizio agl Kino Rätia



Luca Maurizio preschainta igl sieus program satiric «Muntaneras sen teara» agl Kino Rätia da Tusàn. FOTO MAD

Igls 19 da november preschainta igl cabaretist Luca Maurizio igl sieus program «Muntaneras sen teara» a las 20.15 agl Kino Rätia a Tusàn.

Luca Maurizio inszenescha agl sieus program «Fake News» (novitads sfalsifitgedas) cun humor git situaziùns banalas digl mintgagi a tgossas nuncartevlas. El s'ampeara: «A tgi

dastg ign ànc crer ozigligi?» Mussànd da maniera divertevla, co la confidàza an «la muntanera» e saschminuida, malgro ca la muntanera eari igl model da suzcess par surviver digls yaacs, lufs a delfegns, da las furmiclas a digls carstgàns. Mo actualmeing viveian agl tains digl individualissem schmasiro, da l'optimaziùn da la nossa veta a da la skeptica anviers la szienza. Igls carstgàns comunitgeschian betga ple directameing l'egn cun l'oter, savens me ple cun mieds electronics. Quels ancanuschian las nossas preferentschas a tendenzas a parfegn las nossas ideias. Luca Maurizio eara sco giuvenil pastur da nursas a vaggas. El ancanuscha las «muntaneras».

Igl sieus cabaret «Fake News» e vagnieu undro igls 2020 agl rom da la concurenza grischùna da las produziùns culturalas professunalas. Igl on passo à Luca Maurizio gudagnieu igl premi literar grischùn cun las sias «canzùns poeticas a la sia satira gita». (cdm/fmr)

VEULDEN

Plàntas sfluridas egn daletg pigls îls

L'amprema nev e puspe luada a Veulden. Quegl lascha sperar da catar ànc blearas baleztgas sfluridas a caschùn da l'excursiùn digl november cun Gabrielle Frey.

Flurs sfluridas sen lur costs sapeschaintan dantànt ear da maniera atractiva, cur c'ellas pezan ord la nev. Mo savens s'ampearan ign, tge ca quellas stélas segls fastigis earian.

Parquegl dreza la manadra Gabrielle Frey a caschùn da l'excursiùn digls 27 da november l'atenziùn sen las baleztgas sfluridas, a forza c'gl gnànc mengia tard da far egn matg da flurs. L'excursiùn antscheva a las 11.00 sen Plaz vischnàna a Veulden a cunza antoca las 16.00. Igl tur vean fatg sen sendas a pros sur igl vitg. La diferenzta d'òlzetgta amporta var 200 m. Igl vean racumando bün equipamaint par viandar. La marena a bavràndas ord igl satgcaodoss. (cdm/fmr)

Las anzunzgas en da tarmeter antoca gievgia, igls 24 da november ad «aben-teuer-biodiversitæt@bluewin.ch» ne par SMS a 079 371 48 31. An cass da bleara nev vean l'ocurenza disgetgta a curta teamra.



«Musso igls diamànts grischùns gio San Giagl»

La rapreschantaziùn digl cantùn Grischùn a l'Olma da quest on e vagnida organisada sut la batgeta da Daniel Camenisch, oriund da Maton. Agl savundànt raschienen à l' do investa an l'organisaziùn a tratg bilàntschas da que evenimaint.

BARTOLOME TSCHARNER/FMR

FMR: Vos eassas sto igl manader general da la preschantaziùn digl Grischùn sco cantùn giastànt a l'Olma 2022. Tge activitads cuntaneva quella funcziùn?

Daniel Camenisch: Par l'egna c'gl sto egn grand'anur par me da stger organisar quella preschantaziùn. Partge igl cantùn Grischùn à me radund mintga veingt ons la pussevladad, d'easser cantùn giastànt a l'Olma.

Sco ampem ve jou stgieu far igl concezt da basa, co igl cantùn Grischùn pudessi sapeschantar a l'Olma. Sen fundamaint da lez ve jou alura fatg igl concezt detaglieu cun fegn-miras, temas, cuntengs, custs a sclarieu, cun tge partenaris ca nus pudessan colavurar. Da quegl à gl alura do finalmeing la preschantaziùn, co ella e stada.

Igl concezt general cumpaglieava tutas ocurenzas digl Grischùn sco cantùn giastànt sco p.ex. l'avertura, las exposiziùns d'animals a l'exposiziùn speziala, igl til a la comunicaziùn. Savund igl concezt general ve jou alura constituieu igl comité d'organisaziùn, cun parsùnas c'en spezializadas a risguard quels temas a c'àn gido realisar els.


Qualas en stadad las ple gràndas sfidas par realisar quella preschantaziùn?

Nus vagn dalunga definieu, c'igl sattracti betga me da preschantar igl turissem grischùn, mobagn ca nus leian rapreschantar l'antiera multifariadad digl cantùn. Ad an que gro dat igl egn grand stgazi agl Grischùn par mussar igls temas sco «lavor, veta, turissem, furmazziùn, perscrutaziùn, cultura» ad ascheia anavànt. La nossa fegnamira eara da preschantar tut quels temas da maniera autentica e simpatica. Quegl vagn nus fatg savund igl moto «semplameing da nar!». Igl e sto egn grànda sfida an vesta agl program complex ca veva ear egn dimensiùn politica: La regenza grischùna à surdo quell'incumbensa. Ign ancurscheva ear, c'igl deti speztgas da la vart da l'economia ca nus vagn ampruvo da risguardar. An la deziusiùn da la regenza ear'igl parscret, ca tut igls tres lungatgs vegian da vagnir risguardos a ca nus veian da luvrar cun la marca grischùna. Sen fundamaint da quegl vaina alura fatg igl concezt a definieu las fegnamiras. Las impurtàntas en stadad d'augmantar la visibilitad digl Grischùn anviers anor, d'involver tànts indigens sco pussevel a d'unir tuts sut igl madem tetg, ascheia c'igl deti egn rapreschantaziùn homogena digl Grischùn cun tutegna mussar la sia multifariadad. Parquegl levan betga me mussar mastregns near interpresas ca tuts ancanuschian schon. Par nus c'gl sto impurtànt da mussar mastregns tradiziunals mo ear inovativs ad interpresas c'en ànc betg tànt ancanuschaintas, tanor igl moto: «Nus mussagn igls diamànts ànc betga glischantos gio San Giagl a schagn glishear els durànt 10 gis». Ascheia c'gl ear sto da ver egn'interpresa pintga ca produtgescha skis, egn tagliaschendas, near igl Marcel Bass d'Andeer cun las tibas grischùnas, sper l'agricultura a sper gràndas fatschendas.

Partutgànt igls lungatgs vaina cunluro cun las organisaziùns linguisticas a culturalas. La finala c'gl sto involvieu passa 250 partenaris. Par que project ve jou luvro radund egn'on a miez, sper tschella lavor sco comunicatur partutgànt la pandemia, igls fugitivs da l'Ucraina a la mancàza d'energeia schmanatschànta. Par me c'gl sto egn tains intensiv da vagnir a frida cun tut, mo ear egn tains fetg interessànt c'à fatg grand plascher.

Vos eassas sto preschaint igls 10 gis a San Giagl: Qualas en stadad las vossas experientzgas?

Nus vagn rimno fetg blearas experientzgas. Sco ampem c'gl da constatar, c'igl rigeva



Daniel Camenisch, igl manader general da la preschantaziùn digl Grischùn sco cantùn giastànt a l'Olma 2022 durànt l'exposiziùn a San Giagl. FOTO MAD

Tge muntada à quella preschientscha a l'Olma pigl Gischùn?

Pigl cantùn Grischùn e l'Olma sir stada egn bün platafurma par sapeschantar. Nus vagn gea blears giasts da la Svizra Orientala. Parquegl e'gl sto egn fetg bün ocaziùn da sapeschantar d'egna vart sco cantùn inovativ a da l'otra sco cantùn tradiziunal. Gest ear par mussar la nostra multifariadad e quegl sto egn fetg bün ocaziùn, ad igl e gartagieu a nus da purtar igls temas sur igls cuntengs digl cantùn Grischùn or. Da tschella vart e'gl sto bi d'unir tut quels partenaris par stgafir egn evenimaint cuminevel. Quegl à ear gieu egn efect positiv anviers an aint cun stgafir egn bün'atmosfera trànter igls partenaris indigens.

Quala e la vossa bilàntschas persunala an que gro?

Nus vagn cuntanschieu las nossas fegnamiras a stgagn far egn fetg bün bilàntschas: Nus vagn gieu fetg blears visitaders a partenaris cooperativs. Nus vagn survagieu fetg blears a bün resùns. Blears visitaders àn getg, ca nus veian fatg la miglra preschantaziùn d'egn cantùn antocan uss. Quegl e reacziùns ca fan plascher suainter tànta lavor preparativa. Igl e gartagieu da preschantar igl cantùn Grischùn d'egna maniera nunspegtgànta, mobagn simpatica. Par me c'gl ear impurtànt da gir, ca nus earan egn squadra organisatorica fetg attiva cun Andy Kollegger, Christian Klucker, Christian Parli, Martin Renner a Daniel Huber. Tut e gartagieu aschi bagn gratzta a la stupenta cunlurva da tut igls partenaris.

«Par me e'gl sto egn tains intensiv da vagnir a frida cun tut.»

Daniel Camenisch

egn fetg bün'atmosfera. Nus vagn gieu fetg blears visitaders. Par nus organisaturs ear'igl sto greav da giuditgear ordavànt la frequenza. Parve da la pandemia vev'igl do dus ons nign'Olma, ad igl on passo vev'igl do me egn'Olma pintga. Parquegl vaina betga gieu propi las relaziùns ca spitgeavan nus. Ad igl davos e'gl sto 320 000 visitaders. Mo da nostra vart e tut ieu fetg bagn: Nus vagn gieu blears partenaris c'earan fetg motivos a c'àn cunluro bagn ad earan egn ferma petga da que evenimaint. Ear an que gro vaina rimno fetg blearas experientzgas. A mei à gl fatg grand plascher, c'igl e ear sto tànts Grischùns c'àn visito igl til grischùn a las nossas exposiziùns. Parquegl lastg jou constatar cun cuntantientscha, ca la mussada digl Grischùn à cato fetg grand interess.